

納原古
並作綱

人雖為障重根鈍之機得佛加故自脫魔網
佛恩之至深可貴之次所引文辨正論者撰
者法琳是唐沙門所造本意老子學徒佛教
為劣道教為勝故為破彼立釋教也此書有
序東宮學士陳子良述此人加註○十喻等
者十喻九箴共篇名也卷有八卷篇有十二
十二篇者第一卷初舉目錄云
三教治道篇第一下上 十代奉佛篇第二下上

佛道先後篇第三

卷第五

釋李師資篇第四

十喻篇第五

卷第六

九箴篇第六

氣為道本篇第七

信毀交報篇第八

卷第七

品藻衆書篇第九

出道偽謬篇第十

卷第八

歷世相承篇第十一

皈依有道篇第十二

已

十異九箴見此目錄○李道士者李仲卿也

見第五卷又決五云知道士李仲卿著十異

論琳法師立十喻論以喻其異而異彼喻猶

曉曉彼迷故也。○十異等者彼十異者李家所立以十喻曉。○言九迷者又李家意以九箴誠但披唐本迷字爲迷本有異歟而於下舉九箴目錄先叙云答外九迷論是則外論每段結云其迷一也乃至九也是自李家以釋迦法所稱迷也對之內箴每段結云其盲一也乃至九也是自釋家呵李氏教所稱盲也又上所引荆溪解釋云曉彼迷思此等

義九迷之本宜爲正歟外一異詞內一喻言所引在文此一異意李自左生佛自右生故以左右諍勝劣也此一喻意述左劣義檢右勝禮相翻外異立優劣也開士釋中盧景祐等所述未勘。○周弘政者作疏六卷此釋之中言太子者是又唐本子字爲上上字宜歟開士所破被太上故此釋之終。○言乃至者當段所引非有殘文是全文也就除外內二

異二喻三異三喻故云尔耳異喻所立爲示
條目所除載之即其文云外二異云老君垂
訓開不生不滅之長生釋迦說教示不滅不
生之永滅內二喻云李聃稟質有生有滅畏
患生之生反招白首釋迦垂象示滅示生飯
寂滅之滅乃耀金軀開士曰老子云貴大患
莫若有身使吾無身吾有何患々之所由莫
若身矣老子既患有身欲求無惱未免頭白

與世不殊若言長生何因早死此二異意
李氏雖談長生仙方遂不免死佛雖示滅飯
寂滅故非比論也開士釋中引老本文貴大
患者貴者畏也見本經註外三異曰老君應
生出茲東夏釋迦降迹挺彼西戎內三喻曰
李聃誕形居東周之苦縣能仁降迹出中夏
之新州開士曰智度論云千々重數曰三千
二過復千故曰大千迦羅衛居其中也樓炭

經云葱河以東名爲震且以日初出曜於東隅故稱震且一本云故得名也諸佛出世皆在其中不生邊邑若生邊地地爲之傾至迦維未肯爲西其理驗矣此三異意老出東夏佛出西戎中夏邊邑以之爲異此三喻意汝解不亦以彼天竺爲地中心故佛勝也四異四喻所引在文但今所除開士釋也即其文云開士曰前漢書云孔子爲上々流是聖

老子爲中々流是賢何晏王弼云老未及聖二教論云柱史在朝本非諧讀出周入秦爲尹言道無聞諸侯不見天子若爲周師史無明證不符正說其可得乎至抱朴云出文王世留康皇甫謐竝生殷末者蓋指道之僞文非國典所載也此四異意老子總爲隆周之師釋尊僅一國之教主故有勝劣同四喻意李爲小臣又非周師佛初太子後證佛果

於閻浮提總爲教主故爲勝也○言伯陽者
是老子名○言藏史者是官名也謂之柱史
又云柱下日本稱之云大內記是儒官也外
五異曰老君降迹周王之代三隱三顯五百
餘年釋迦應生胡國之時一滅一生壽唯八
十內五喻曰李氏三隱三顯旣無的據可依
假令五百許年猶愁龜鶴之壽法王一滅一
生亦見微塵之容八十年間開誘恒沙之衆

開士曰檢諸史正典無三隱三顯出沒之文
乃在周劣駕小車鬢垂絲髮來漢即蕭鼓雲
華羽從空浮于寶搜神未聞其說齊諧異記
不載斯靈撫臆論心矯妄尤甚上此五異意
老子三隱三顯爲奇釋尊一滅一生是劣壽
命長短爲之殊異六異六喻在所引文此六
異意老氏出世周文王時釋尊下生同莊王
時言以前後爲勝劣也此六喻意李老始生

周桓王歲終景王年不出文世調御誕生昭
王之年出莊王前終穆王年若以前後論勝
劣者佛前老後何得比也○言迦葉者蓋指
老子乃是本地菩薩名也○言姬昌者周文
王也文王雖爲周之始祖不卽正位武王以
來周繼體主三十七也言桓王者第十五代
言景王者第二十五代言昭王者第四代主
言纆王者是第五代言莊王者第十六代之

王是也前後應知○開士釋終○言乃至者
於當文中_二有餘言也七異七喻文在所引此
七異意老適流沙不知所隱言得仙也佛終
提河現唱涅槃言有死也同七喻意老有生
處又有葬處不遁生死佛隱鶴林雖示涅槃
非滅現滅是故其教自梵傳漢于今流布法
命長遠衆生蒙益非對比也開士釋終○言
乃至者非於當段有餘殘文但也一字第八

九十外異內喻省略之故對下十異十喻重
說云乃至也彼三段云外八異曰老君蹈五
把十美眉方口雙柱參漏日角月懸此中國
聖人之相釋迦鼻如金挺眼類并星睛若青
蓮頭生螺髮此西域佛陀之相存八喻曰李
老美眉方口蓋是長者之徵蹈五把十未爲
聖人之相婆伽聚日融金之色旣彰希有之
相萬字千輻之奇誠標聖人之相開士曰老

子中胎等經云老聃黃色廣額長耳大目踈
齒厚脣手把十字之文脚踏二五之畫止是
人間之異相非聖者之奇姿也乃如來身長
丈六方正不傾圓光七尺照諸幽冥項有肉
髮其髮紺青耳覆垂墜目視開明乃放一光
而地獄休息演一法使苦痛安寧備列衆經
不煩委指比此八異意老備中華聖人之相
佛爲西域佛陀之相是分中邊貶異相也外

邊古本
作道

九異曰老君說教敬讓威儀自依中夏釋迦
制法恭肅儀容還遵外國內九喻曰老是俗
人官居末品衣冠拜伏自奉朝章佛爲聖主
道與俗乖服貌威儀不同凡制開士曰昔丹
陽余玖與撰明真論一十九篇以駭道士出
其僞妄詳彼論焉取此異喻意又依中邊就
其威儀爭勝劣也外十異曰老君之教以復
孝慈爲德本釋迦之法以捨親戚爲行先內

十喻曰老訓狂勃殺二親爲行先釋教仁慈
濟四生爲德本開士曰汝化胡經言喜欲從
聃曰若有至心隨我去者當斬汝父母妻子
七人頭者乃可去耳喜乃至心便自斬父母
七人將頭到聃前便成七豬頭夫順天地之
道者行也不傷和氣者孝也丁蘭感通於朽
木薰永孝致於天女禽獸猶有母子而知親
况聃喜行道於天下斬其父母何名孝乎戮

其妻子豈謂慈乎上已此十異意老教孝慈佛捨親戚勝劣在斯同十喻意老訓殺二親是背孝行佛濟四生是叶仁慈是勝劣也開士釋中所言喜者是尹喜也老子序云開令尹喜望見東方有來人變化無常乃謁請之老子知喜入道於是留與之言喜曰子將隱矣強爲我著書於是老子著上下二篇八十一章五千餘言故號曰老子經也上已異喻十雙

相對如斯○次內十喻答外等者次下重明十異十喻之標章也本書之中標章之下載目錄云

內從生有勝劣一	立教有淺深二
德位有高卑三	化緣有廣狹四
壽夭有延促五	化迹有先後六
遷謝有顯晦七	相好有少多八
威儀有同異九	法門有漸頓十

此十雙者於前十異重宣其意於前十喻再明其義只是廣略之不同也前重是略今重廣耳但前十雙異喻之上各有注字以之思之上陳子良豫先正文且著述歟今此十雙是琳法師正製作也○言外從生左右等者上目錄中唯載十喻不出十異各至釋章內喻之前置外異題舉外異言次置內題出內喻言即今所舉外一題也但下諸段所除非

一縱又雖引異喻之言多略題目仍先釋章出外異題合上所舉內喻目錄可顯相對之大意也其題目云

外從生左右異一

外教門生滅異二

外方位東西異三

外適化華夷異四

外稟生有夭壽異五

外從生前後異六

外遷神返寂異七

外聖賢相好異八

外中表威儀異九

外設規逆順異十

○內從等者目錄所舉十喻之中一喻題也
問目錄之中有一二三乃至十數今不載之
有何意耶答目錄之中唯載內喻故記其數
今於外異先記數故讓上不錄內外相對一
一不可相濫故也問今外一異雖舉題目不
出文言其文如何答彼本文云外論曰聖人
應迹異彼凡夫或乘龍象以處胎乍開脇而
出雖復無開兩氣非假二親至於左右之殊

其優劣之異一也○內喻等者內一喻也今
所舉之內從生等之題目者略外論故次外
異題如本書者在外論後內喻之前次第應
知此內喻中○蘭相等者世謂廉蘭廉則廉
頗蘭蘭相如一雙武將而廉為龜書生誤歟
加之此中唐本文字相違又多一者右緯緯
字為韓二者温水温字為渦三者押事押字
為師四撥太史撥字為檢五快入用快字為

也原古
並作已

扶弗謂是非只記異耳其迹也下○言乃至者自此文殘至三喻半省略故也○夫釋氏者天上等者三喻中文前後猶有數行文言併以略之推其妙下言乃至者於當段中猶有殘文又除四異四喻也下乃至十異故云爾也○次外論曰老君等者第十異也本書先安外設規云逆順異十之題一行其次有云外論等之長行也○次內喻曰義乃等者

第十喻也本書文前安題如前其題目者云內法門有漸頓之六字是也當段之中又與唐本參差多之一非華俗之訓下註云歌孔子助祭五字在騎棺而上弗機之下孔子上下而時二字共以無之二云實聖王之臣孝臣字爲巨三覆慧眼下云未往生未字爲來生字無之四云怨親數爲知識知識數爲怨親上下二句共無親字○言尔道之劣十也

者當篇外內異喻之說十雙悉訖自此已下
次明九箴但依略初文相起盡前後易迷故
示題目其目錄云內九箴篇第六答外九迷
論

周世無機一 建造像塔二 威儀器服三
棄耕分衛四 教為治本五 忠孝靡違六
三寶無翻七 異方同制八 老身非佛九
此目錄如此正於諸段所安題目初有內字

又一乃至九之字上各有指字於九迷者別
無題目○二皇等者即是初段謂內周世無
機指一之末文也題目以前外論文言題目
以後內箴初文所除是多依為初段所引前
後文言出之即本文云外論曰夫言者非尚
於華辭貴在乎中理歌者非尚於清響貴資
乎合節佛經如來說法之時諸國天子普來
集聽或放光明遍大千土但釋迦在世之日

當我周朝史冊所書固無遺漏未聞天王詰彼葱嶺豈於中華之帝無善不預道場邊鄙之君有緣普沾法座光明所照則衆生離苦而此土何辜偏無人悟獨隔恩外曾不見聞取內周世無機指一內箴曰夫淳儀麗天睽睽莫鑒其色雷霆駭地聾夫弗聆其響者蓋機感之絕也作暴兇跖孔智無以遏其心結憤野夫賜辨莫能蠲其念亦情性之殊也註有

故道合則萬里懸應勢乖則肝膽楚越况無始結曠惱愛與滄海拔深有為業廣塵勞將巨岳爭峻羣情不能頓至故導之以積漸衆行不可備修故策之以限分猶天地二化始合於自然注略齊魯再變乃臻於至道密雲導於時兩堅冰創於履霜皆漸積之謂也故此二皇統化以下十四行餘併如所引○內建等者即二箴也自漢明下至有靈哉六行餘者當段外論文末

註也是故此文雖在建造像等題前於此句者居外論末而所彈折外論意句故以其意樂助內箴故爲示其義安題後歟○然德無不備者等者內箴文也上有數行今又除之問若如然者靈哉之下然德之上尤以可置乃至言乎答上文雖在內箴之前以其意通引加內箴爲鈎鎖也若言乃至只可相似錯亂文段是故不置乃至言也可驗之下言乃

至者當段之中猶有殘文又除三四及五箴初故云爾也是等數箴繁故不載其文而已○次引正法念經以下五箴終文今所引者是註文也問此註之意宜何事乎依無當段外論之言并內箴文難辨旨趣請聞具文欲知元由答外論曰夫國以民爲本本固則邦寧是以賜及育子之門恩流孕婦之室故子孫享祀世載不虧雖至孝毀躬不令絕祀故

得國家富強天下昌盛未聞人民凋盡家國
 可存今佛教即不妻不娶名為奉法唯早逝
 號得涅槃既闕長生之方又無不死之術斯
 則一世之中家國空矣取內教為治本指五
 內箴曰夫澄神變性入道之要門絕情棄欲
 登聖之遐本故云道高者尚德弘者賞以道
 傳神以德授聖神聖相傳是謂良嗣塞道之
 源伐德之根此謂無後非云棄欲為無後也

子不聞乎昔何尚之言釋氏之化無所不可
 諒入道之教源誠濟俗之稱首夫行一善則
 去一惡去一惡則息一刑一刑息於家則萬
 刑息於國故知五戒十善為正治之本矣又
 五戒修而惡趣減十善暢而人天滋人天滋
 則正化隆惡趣衰而災害殄已所引注者此
 文注也此中文句又與唐本聊有相違一云
 甘雨降雨下降上有時一字二云稔穀豐加

一字云百穀稔豐三云戈戰息戰字為戢戢
 叶義歟不行也下○言乃至者當箴之中猶
 有殘文又下六七八九悉除故置此言○言
 君子曰道士等者第七卷中如目錄者第六卷也氣為
 道本篇第七文樂道君下當篇文言猶繁多
 也○言案道士所上等者第八卷初出道偽
 謬篇第十文此篇之中於出諸謬是出諸子
 為道書謬之破文也○次言又云大經等者

同卷之終皈心存地篇第十二之釋文也○
 言大經者指涅槃經天台學者多以彼經稱
 大經也○朕捨外道以事等者朕者天子自
 稱言也昔梁武帝捨老子教永皈佛教受菩
 薩戒今辨正論以明此事為要須也問今鈔
 之中引此論文有何要耶答捨外邪教入內
 正法衆生依怙佛教本意願此事故被引用
 歟將又謂之外教內教頗非對論如天與地

變原古
並作反

而及比按教主世尊是雖佛身猶是應身居
娑婆故輒以李老論其勝劣故於所明化身
土之當卷引之彌陀報身更非比量為顯此
義尤大切歟凡此論文一一文義不可輒解
又非要須雖然粗勘諸篇科段示文出處名
目等耳次大師釋法事讚下六方段終上方
讚也○還舒等者還玉篇云胡關徐宣二切
退復也廣韻云戶關切變也退也願也復也

又音旋今言還者是非退義是復訓也對上
五方今言復也○十惡等者是明十惡五逆
下機疑謗佛法信邪鬼故招諸災禍但今非
謂一切惡逆之衆生等可必如此惡逆下根
專念佛機邪鬼信不依機性欲可隨誠勸故
勸捨之可念弥陀是又就事邪神言之故云
信邪云餒神魔深可思擇○次言天台法界
等者彼書天台大師撰述三卷書也所述法

勸字古
本無

變古本作反

門凡三百科其第一卷有二十科其第十三
 三歸戒科所載文也按其本文聊有廣略增
 減等差彼具文云一歸依佛佛陀秦言覺者
 自覺覺他故名爲佛歸者以變還爲義不邪
 歸還歸正師故名歸依者憑也憑心靈覺得
 出三途及三界生死也故經云歸依於佛者
 終不更歸依其餘諸外天神也二歸依法達
 摩秦言法法云可歸軌大聖所說若教若理

變原本作反

可心軌故言法也歸者反邪法還修正法故
 名歸依者憑心佛所說法得出三途及三界
 生死也故經云歸依於法者永離於殺害也
 三歸依僧僧伽秦言衆衆名和合出家三乘
 行者心與佛所說事理法合故名爲僧歸者
 變九十五種邪行之侶歸心出家三乘正行
 之伴故名歸依者憑心出家三乘正行之伴
 得出三途及三界生死也故經云歸依於僧

法苑珠林卷之九

者永不復更歸依其諸外道。已次慈雲師釋彼師所造往生略傳序中文也。○言韋陀者天竺外典治國書名。或云毗陀。或云吠陀。並是梵言。此云智論。此有四種律名。句云一億刀韋陀說。事火懺悔法。二耶受。此有異說韋陀說。布施祠祀法。三阿陀韋陀明。知異國國戰法。比今所言者是第二也。韋陀是總祠祀。是別欲論。祠祀只言韋陀。此是總屬別名義也。○

言祀典者。即是所明祠祀書也。但不及見其具文者。難達釋意。次上文云。今時風俗競祭鬼神。求其福祐。望得安穩。信邪殺命。造罪結怨。必無福慶。而可利人。虛招來生地獄罪報。易曰。積不善之家。必有餘殃。殺生害命。祖業祭祀。非一朝一夕。豈非積不善耶。殃咎何疑也。若言殺生非不善者。古今帝王何故仁慈化世。勝戰去殺。禽魚遂性。令登壽域。咸稱善

耶此次下有又云天趣在上人居其次修羅

處中鬼畜斯下今以人事鬼其猶僂首就足

抑君奉民何逆之甚也又鬼有邪力事之既

久物黨方類死隨其中世其迷哉次觀法師

釋○梵語等者弘決二云鬼者梵云閻黎多

此云祖父比黎梨雖異二字通也○言作下

品五逆等者若依常途地獄鬼畜之次第者

可為中品且依地獄畜生餓鬼邊歟法華第

二譬喻品云現受眾苦後受地獄畜生餓鬼

之苦比又俱舍論第八偈頌舉五趣云地獄

傍生鬼比次神智師經解上所引觀師釋也

○鬼之等者同決二云爾雅云鬼者歸也尸

子曰古者名死人為歸人又云人神曰鬼地

神曰祇天神曰靈比今智師意摸此釋歟但

所欠者人神之釋又所違者天神云鬼云靈

異也言尸子者外書名也爾雅之文云鬼者

魔鄉即
者古本
作魔即

歸尸子之言云名歸人蓋是俗典不談生死
解脫理故以趣黃泉稱曰歸泉幽冥魂魄皆
為鬼也智律師釋○總収等者鬼即餓鬼本
處是在閻浮提下五百由旬閻魔王界若立
五趣除阿修羅劣者攝鬼勝者屬天故通天
修通地獄者謂閻魔王領獄故也度律師釋
魔鄉即者或依開合或就廣狹鬼魔似別其
體終同又彼三十六狩等者皆是魚蟲禽獸

隨原古
並作墮

類故可攝畜趣故云惡道所収而已次止觀
文第八卷釋所引之上具解釋云今明魔為
五一分別同異二明發相三明妨損四明治
法五修止觀比○二明等者所舉之內第二
文段○慢悵鬼者止觀本文言慳惕鬼慳或
為槌慢悵未見有異本歟今向此文難知其
相仍出具文其次文云一慳惕發者若人坐
時或緣頭面或緣人身體隨而復上翻覆不

六要妙卷六

已雖無苦痛而屑屑難耐或損人耳眼鼻或
抱持擊捱似如有物捉不可得駛已復來狀
際作聲聞人耳此鬼面似批杷四目兩口二
時媚發者大集明十二狩在寶山中修法緣
慈此是精媚之主權應者未必為惱實者能
亂行人若邪想坐禪多著時媚或作少男少
女老男老女禽獸之像殊形異貌種種不同
或娛樂人或教詔人今欲分別時獸者當察

十二時何時數來隨其來時即此狩也若寅
是虎乃至丑是牛乃次明魔羅者為破二善
增二惡故喜從五根作強軟來破大論云魔
名華箭又名五箭各射五根共壞於意五根
各一刹那刹那若轉即屬意根意根若壞五
根豈存眼見可愛色名華箭是軟賊見可畏
色名毒箭是強賊見平平之色不強不軟賊
餘四根亦如是合十八箭亦名十八受以是

義故不應愛著著則成病病則難治永妨禪
定死墮魔道比魔多亂禪故明治法其治法
者止觀修行修行不成魔障難離故是難行
念佛行者更無魔障他力冥加最可仰之○
次楞嚴釋○魔者等者起惑妨果出世魔障
起病奪命世間鬼難真俗障身殊可慎之現
當留難誰不恐乎○次論語文是第六卷第
十一篇先進詞也○子曰等者讀其文點可

存二意一還自人字焉字以下五字讀切神
字或無義意事人猶不容易况事鬼乎言難
及也今此文點清中兩家共讀來說是一同
也而今聖人更存別義謂初三字可讀切之
言勿事也○人焉等者焉者何也人是善趣
鬼是惡趣為善趣身何事惡趣故上所引慈
雲釋云今以人事鬼其猶俛首就足蓋其意
也後之文點叶此釋歟第三流通分者竊以

以下是其文也。又於當卷分四科。時爲之總
結於中爲二。一自文之始至見別傳。先明大
祖黑谷聖人真宗興隆至德行狀。示歎緇素
以昏迷故妄致淨教凌怠障難。二然愚禿下
次明自身入宗由來述悅稟教得利之師恩
就初文中。○諸寺等者專興福寺奏不可立
淨土宗也。山門同之故云。諸寺。○洛都等者
謂依寺訴被召諸卿意見之時奏彼寺訴非

無謂也。○猥坐等者住蓮安樂善綽性願斬
罪是也。○或改等者大祖號曰藤井元彦鈔
主名云藤井善信是其類也。卽下稱云予其
一也是其義也。○非僧等者第一卷初釋其
撰號釋其字義卽引今文加註解訖。○經五
等者自配流始承元二年丁卯暮春至歸京
終建曆元年辛未仲冬經五年畢。○言居諸
者是日月也。具言日居月諸是也。諸或爲緒

此是非也諸為正耳言子月者是指仲冬言
 寅月者是正月也○言入浴者一本入浴浴
 字非也可為洛字○建仁等者元年辛酉大
 祖聖入六十九歲鈔主聖人二十九歲始入
 門下即傳宗旨○元久等者二年乙丑忝預
 恩免寫選擇集自彼建仁入宗之曆至此元
 久傳書之時前後五年早速恩許被賞法字
 良材故也○彼佛等者問此所引文言令現

在無世之字其義如何答所被傳之大祖御
 筆無此一字仍任彼本被除之歟是則經論
 章疏以下如此文字增減參差多有異本隨
 而大祖所覽之本無此字歟故如其文被書
 與之有何不審今就相傳守其本故被略之
 也此世一字於其有無非構一義非謂善惡
 只存於本有異旨也○又依等者依太子告
 改名子細即載初卷撰號解訖○言令書名

之字畢者善信是也○涉年等者舉相傳人
其數不多示我見寫之遇逢也○慶哉等者
正述他力安心領解專表師德報謝之至孝
顯此要鈔集記本意廣須順逆二緣共利安
樂集文彼集上卷第一大門先明教興所由
下釋華嚴經文其意可見

須原古
並作願

六要鈔第六 舊未

教行證者列祖相承之要須聖人
領解之已證也而所引之本文廣
博兮前後之說相難明所立之教
旨幽玄兮甚深之義趣易迷然間
一流傳來之耆老猶未聞講其義
之仁諸國耽學之群侶多示不了
此書之旨如予淺智輒以豈敢雖
然爲祖德報謝爲佛法弘通試加

小量之註釋偷仰宏智之取捨一部十卷號六要鈔本書則六卷第三與第六元自依有本末分爲八卷愚鈔同六卷第二與六本重又就開本末摠爲十卷雖拾簡要只耻管見我已所願庸昧也人何不致嘲哂哉然者堅安當臺之文机應慎荒涼之流布但他縱處員外

自久勞心底是隨分之功也是超渥之績也後塵之傳莫令忽諸若萬一有欲一見之類者草庵之中雖許之竹窓之外可禁之披覽猶加制况於書寫乎然而志非假令望表慇懃者早成師資之契約宜募相傳之譜系於不諾其禮者可知無其實也此條旣非有懇切之心更

勿出允容之詞於身全不揅貢高之思於法偏爲無聊爾之儀而已

延文五年庚子八月一日 常樂臺主

此鈔一部以秃筆草本網罟大僧都爲安置錦織寺所書取也十帖書寫之功旣爲殷勤一流弘通之志尤所隨喜也披合之處文點等無相違歟足爲證本堅守教誡之

委趣莫許聊爾之流布耳

貞治二年癸卯三月廿五日

老衲判 七十四歲

同三年甲辰十一月十九日十

帖外題并袖名字深老筆訖

存覺 七十五歲

本願寺主席和尚任上件奧書之旨宜募相傳之譜系之由依令抽

慇懃之懇志給一部十帖奉授與
之訖是則爲佛法弘通利益無邊矣

明德三年壬申五月十六日

素門慈觀

明治三十年七月十五日印刷
同年七月廿五日發行

京都市下京區下珠數屋町
東洞院西入橋町八番戶

校正兼發行者
并印刷
西村九郎右衛門

